

Segun artistanan local Sr. Fernando Fermeer y Sr. Gilbert Senchi

Monumento di piscadonan ta wordo entrega awe

ORANJESTAD - Algun luna atras Minister di Labor Otmar Oduber a bin cu un idea pa recorda e piscadonan cu a disparce durante añanan riba lama. Na 2011 dos piscado local un biaha mas a perde riba lama, y den cuadro di esey Santa Rosa a sinta cu famianan di e piscadonan pa haya mas informacion, segun Sra. Nathalie Maduro, directora di Santa Rosa. Riba e monumento lo tin nomber di tur e piscadonan cu a perde riba lama. Tambe lo keda espacio riba e monumento pa pone nomber di otro piscadonan, y Santa Rosa ta spera di awe pa dilanti cu no lo tin mas piscado perdi riba lama.

A bin cu e idea di traha un monumento na memoria di e piscadonan, y asina e proceso a cuminsa. Segun Sra. Maduro, unico cos cu Santa Rosa a haci conhuntamente cu Hadicurari ta traha un manual di siguridad cu lo wordo devela dia 27 di Augustus proximo. Tambe e dia aki nan lo devela e monumento pa e piscadonan.

ARTISTANAN LOCAL
Diferente artista local a wordo invita pa ta presente durante e exposicion di e monumento. E



dos artista local Sr. Fernando Fermeer y Sr. Gilbert Senchi a traha riba e monumento aki, segun e directora di Santa Rosa. E piesa cu nan a traha tabata loke Minister y Santa Rosa tabata kier, pero specialmente e monumento ta pa famianan di e piscadonan cu a perde riba lama por yega un caminda pa recorda nan ser

keri.

INFORMACIONNAN A WORDO BUSCA

traha e monumento aki, y segun Sr. Senchi e monumento a wordo haci a base di loke Minister y Santa Rosa a pidi.



Pa por a haci e monumento aki, tur cos a tuma un proceso door cu diferente informacion mester a wordo busca na famia di e piscadonan cu a perde riba lama. Santa Rosa a purba di saca articulonan den corant, nan a pidi famianan si nan por tin articulonan di corant warda pa asina nan por uza. Sra. Maduro ta gradici tur e famianan di e piscadonan cu a acudi na Santa Rosa, y asina nan a haya hopi potret bieu y articulonan. Cu tur e informacionnan aki di cada piscado cu nan a haya a traha un manual.

MONUMENTO A WORDO HACI A BASE DI MINISTER Y SANTA ROSA

Sr. Fermeer y Sr. Senchi a uza nan creatividad pa asina por a

di piscado grandi. E nomber di e piscadonan lo wordo poni rond y tambe lo bay tin e strea di Aruba poni den un glas duro. E materialnan cu a wordo uza pa traha e monumento ta glas, marmar, hero y brons. Den e ronchi di nomber di piscado tin mas o menos 40 pa 42, pero ainda tin espacio pa pone nomber di esunnan cu perde riba lama. Door di tin GPS y e avancenian di tecnologia, Sr. Fermeer y Sr. Senchi ta spera cu esaki no lo ta e caso. Mayoria nomber cu tin poni ta di esunnan cu a disparce na añanan 60 pa 70.

AWE LO ENTREGA E OBRA

Segun Sr. Senchi, e obra lo wordo entrega awe. Pa por a traha y diseña e obra aki, a dura e artistanan mas o menos dos pa tres luna. Pa por a termina cu e obra aki pa prome cu dia 27 di Augustus proximo, e artistanan a dicidi di pone nan schedule un banda y dedica tempo riba e obra aki. Desde comienso cu nan a traha riba e obra, nan no a haci hopi cambio cual a pone cu nan por a traha facil riba dje. □

